

## **Pinepinen ewe Coronavirus (COVID-19):**

### *Unusan Meta Repwele Fofori Lon Lenien Angang – AMWOCHALAN PORAUS*

*Ewe Department of Labor & Industries (L&I) epwe atora ngeni ekkewe chon awora angang pwe repwe awora lenien angang mi tumun me pwal apechakul me pwal uwalong an ewe Governor we afalefal ren pinepinen feilfetalen ewe coronavirus.*

### **Apechakulan Unuselapen Meta ekkewe chon awora angang repwele fofori**

#### **Taman Lefilen aramas**

- Repwe pi pwe ekkewe chon angang repwe onu fi taman lefiler seni chiener kewe le angang me pwal aramas meinisin ika pwe remi tufich.
- Ika pwe taman lefiler ese tufich, iwe repwe eaea ekkewe tit me pwal ekkoch sakkun pinepin kena ra fen pungula eaeen me mwan ren pinepinen feilfetalen ewe coronavirus.
- Repwe pi pwe repwe eaea mengaku le pwalu meser, masku o ika ekkewe pisekin angasengas lon ekkena leni taman lefiler ese fich.

#### **Iteitan me pwal tetalufichin pau**

- Awora ekkena lenien tetalen pau mi nom lon ewe leni o ika epwe tongeni mokut fetal me pwal fiti chanipwech are ekis chok pwechin me pwal limach, sop, me pwal ekkena taolen taropwe.
- Repwe apechakula tetelin pau lupwen ra tori ewe lenien angang, lupwen asoso, lupwen ar eaea ewe lenien angasela, me mwan me murin ar mongo, un o ika ra eaea ekkena mettochun temak, me pwal murin ar atepa ekkena leni mi limengau.
- Awora ekkewe lenien me pisekin limetin manungawen pau, tetel, o ika pworen taol ren ar repwe alilis ren iteitan limetin manungawen pau (lefilan tetalen pau) murin ar atepa ekkena mettoch ekkoch aramas ra pwal atepa.

#### **Atetelin me pwal alepelan tetelin me limetin**

- Forata ewe fansoun limetin lon imw epwe pachelong iteitan tetelin me limetin.
- Repwe pi pwe chomong pisekin tetelifichin me pwal limelimen manungaw murin ew lukulukun COVID-19.
- Limeti manungawen ekkewe leni mi chomong re atepa iteitan.
- Kopwe pi pwe ekkewe chon angang ra eaea ekkewe pisekin pwelipwel ren kurop me pwal pwalipwalen meser lupwen ar anganga ekkena mettoch mi afeiengaw.
- Tumunu pwe ekkena wan angang ra wawa fengen ra tetel me pwal lim seni manungaw iteitan fansoun an pwal emon wawa ewe wa me pwal iteitan chok ika pwe ewe chok emon a chok wawa.
- Ileni ewe tarowen tumunun (Safety Data Sheets) (SDSs) ren ekkewe limen manungaw lon ewe leni.

#### **Forata atetelin met repwe fori ren chon angang kena ra semau**

- Kopwe apechakula eom ator ngeni ekkena chon angang ra semau pwe repwe nonom lon imwer o ika aiemourela seni aramas ika pwe ra nom lon ekkena imw won ekkena atake.
- Aitala me pwal tingalo lon imwer o ika aiemounala ekkena chon angang a wor ar sainin ewe semauen COVID-19.
- Tiela ekkena leni ren ew fansoun mwochomwoch tori murin ar ra fakkun tetelifich me pwal limelim seni manungaw murin an a wor poraus pwe emon chon angang ra luku o ika a pungula pwe a tori semauen ewe-COVID-19.

## **Asukula ekkewe chon angang ren afeiengawen lenien angang ren ewe COVID-19**

Lon ekkena kapasen fanu ekkewe chon angang ra weweiti, iwe kopwe pi pwe repwe silei:

- Ekkewe sainin, lapelapen me pwal lapengaw kena mi fitato semauen ewe COVID-19.
- Ifa usun eom kopwe pinei feilfetalen ewe coronavirus lon lenien angang.
- Ifa usun eom kopwe aeochu tetelin paum ren sop me chan nge esapw mwoch seni 20 seken.
- Ren lomotan pwaluelan eom naw me mwasew, me pwal eom kosapw atepa mesom ika pwe kose talu paum.

\* lei ew mwochomwochan poraus. Ren chomong mo itechiki, kopwe weri F414-164-000 *Coronavirus (COVID-19) Prevention: General Requirements and Prevention Ideas for Workplaces*.